

Ժողովուրդ

142
(2992)

17 հոկտեմբերի հինգշաբթի 2024
տպագրության ԺԳ տարի

Թ. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԱՐԹՈՒՐ ԸՆԿՐԱՆՆԻՄՅԱՆԸ ԶՐՊԱՐՏԻՉ Է. ԴԱՏԱՐԱՆԻ ՈՐՈՇՈՒՄ



Հայ մամուլի օրվա առիթով «Ժողովուրդ» օրաթերթը երեկ հրաշալի նվեր ստացավ, հաղթեցինք դատարանում: Իշխող «Քաղաքացիական պայմանագիր» խմբակցության քարտուղար Արթուր Յովհաննիսյանը պարտվեց, քանի որ գրադարտել էր «Ժողովուրդ» օրաթերթին:

Հիմա ամեն ինչի մասին հերթով 2023 թվականի դեկտեմբերի 7-ին ՀՀ ԱԺ ամբիոնից ԶԳ խմբակցության քարտուղար Արթուր Յովհաննիսյանը հրապարակավ գրադարտեց մեզ (Տեսանյութը՝ ArmLur.am կայքում):

Այդ հայտարարությունից հետո «Ժողովուրդ» օրաթերթի գլխավոր խմբագիրը Արթուր Յովհաննիսյանից հրապարակավ բացատրություն պահանջեց, եւ, քանի որ չստացանք պատշաճ բացատրություն եւ փաստեր չներկայացվեցին, մտանք դատարան:

Դատարանի միջոցով պահանջել ենք պարտավորեցնել հրապարակայնորեն՝ ԱԺ ամբիոնից, իսկ անհնարինության դեպքում ArmLur.am լրատվական կայքի միջոցով տեսանկարահանմամբ հերքել արված հայտարարությունը եւ նույն ձեռագրով ներողություն հայցել «Ժողովուրդ» օրաթերթի ամբողջ խմբագրակազմից: Ի հատուցումն հայցվորին պատճառված ոչ նյութական վնասի՝ բռնագանձել 4 մլն ՀՀ դրամ, ինչպես նաեւ դատական ծախսերը:

Իհարկե, դատավոր Սարգիս Երիցյանը մասամբ է բավարարել մեր պահանջները՝ վճռելով, որ Արթուր Յովհաննիսյանը պարտավոր է գրադարտություն համարվող հայտարարությունը հրապարակայնորեն հերքել Ազգային ժողովի ամբիոնից, անհնարինության դեպքում «Ժողովուրդ» թերթի խմբագրություն» ՍԴ ընկերությանը պատկանող ArmLur.am էլեկտրոնային կայքով հերքումն իրականացնել՝ վճռի օրինական ուժ ստանալուց հետո հինգ օրվա ընթացքում:


Հերքել հետեյալ կերպ՝ «07.12.2023 թվականին ՀՀ ազգային ժողովի նիստի ընթացքում ամբիոնից արված հայտարարությունը («...դե մենք գիտենք՝ հրապարակումները Հայաստանում ունց են ծնվում, օրինակ՝ ինչ-որ մեկը կարող է «Ժողովուրդ» օրաթերթին փող տա, վատ հոդված պատվիրի ինչ-որ մեկի մասին, որ պախարակի էր մարդուն, ինչը նորմալ երեւոյթ է «Ժողովուրդ» օրաթերթի համար...») իրականությանը չի համապատասխանում»:

Դատարանը վճռել է նաեւ Արթուր Յովհաննիսյանից հօգուտ «Ժողովուրդ» թերթի խմբագրություն» ՍԴ ընկերության բռնագանձել 300 հազար ՀՀ դրամ՝ որպես ոչ նյութական վնասի հատուցում եւ 29 հազար դրամ՝ որպես նախապես վճարված պետական տուրքի գումար:


Սակայն մենք բողոքարկելու ենք այս որոշումը, քանի որ Արթուր Յովհաննիսյանը պարտավոր է ՆԵՐՈՂՈՒԹՅՈՒՆ ԽՆԴՐԵԼ ԱԺ ԱՄԲԻՈՆԻՑ Եւ փոխհատուցել մեզ հասցված նյութական վնասը, որը գնահատված է 4 մլն ՀՀ դրամ:

Չմոռանանք ասել, որ շնորհակալ ենք «ԷՄ ԶԻ ԷՄ փարթետ» փաստաբանական գրասենյակին՝ ի դեմս դեկավար Գագիկ Խաչիկյանի՝ մամուլի օրը մեզ համար կարեւոր նվեր մատուցելու համար: Ի գործ:

«Ժողովուրդ» օրաթերթի տեղեկություններով՝ «Սրբազան շարժումը» առաջիկա օրերին հերթական հավաք-քննարկումն է իրականացնելու: Հոկտեմբերի 9-ին՝ Դատախազության հավաքից հետո, որի ընթացքում «փարթետ» հանձնվեցին Գլխավոր դատախազին եւ Նիկոլ Փաշինյանի ու տարբեր պաշտոնյաների նկատմամբ քրգործեր հարուցելու հայտեր ներկայացվեցին, շարժման անդամները պատրաստվում են նոր հավաքի: Թեեւ մեզ հետ գրույցում նշեցին, որ օրը եւ վայրը «գաղտնի» է, դեռ չեն ցանկանում հանրայնացնել, բայց ասացին, որ, հավանաբար, այն կկայանա հենց հաջորդ շաբաթ: «Ժողովուրդ» օրաթերթը տեղեկացավ, որ հավաքը քննարկման ֆորմատով է լինելու, շարժման առաջնորդ Բագրատ Սրբազանը ներկայացնելու է առաջիկա անելիքները եւ շարժման ծրագրերը, քննարկվելու է նաեւ մեր երկրում ստեղծված իրավիճակը:



ՀՀ Ազգային ժողովում նախօրեին տեղի ունեցած վիճարկությունը սկանդալային կոռուպցիոն բացահայտում էր մեծ հաշվով: ՀՀ քննչական կոմիտեի նախագահ Արգիշտի Զյարայանը հայտարարեց, որ Հոկտեմբերի 7-ին Ազգային Արդարադատության կողմից կատարված զննարկումների գործով իրեն 2 անգամ դիմել են: Սա նշանակում է, որ կոռուպցիայի կոնկրետ դրսևորում է եղել՝ հովանավորություն: Հիշեցնենք, որ այս տարվա ապրիլին Արարատի քաղաքապետարանը 45 000 դոլարով ծառայողական մեքենա է ձեռք բերել համայնքապետ Ասլան Ավետիսյանի համար: Ըստ Civilnet-ի՝ մեքենայի գնման տեխնիկական բնութագիրը գրվել է այնպես, որ անսպասելի ձեռք բերվի էլեկտրական Volkswagen ամենագնաց, եւ մատակարարը եղել է նույն Հոկտեմբերի 7-ին Արդարադատության կողմից զննարկված ԱԺ-ում իր ագրեսիվ վարքով ավելի վատ դրության մեջ դրեց ինքն իրեն, քանի որ ցույց տվեց, որ քննիչների գործունեությունից ակնհայտորեն նեղարտած է. բողոքում էր քննիչների վարքից: Արարայանը, սակայն, չմանրամասնեց՝ այդ «բանալին պատեցնող քննիչը» ո՞ւմ է հարցաքննել, ո՞ւմ է ահաբեկել բանալիով, ո՞վ է տուժել քննիչի գործողություններից եւ ամենակարեւորը՝ ինչու մինչ օրս չի բարձրաձայնել այդ մասին: Արարայանը չմանրամասնեց նաեւ՝ արդյոք իր որդին է եղել հարցաքննվողը: Հոկտեմբերի 7-ին Արարայանի այս եւ շատ այլ հայտարարություններ հակասում են ՀՀ Ազգային ժողովի պատգամավորի գործունեության եւ երաշխիքների մասին ՀՀ օրենքին:



Շարունակությունը՝ ArmLur.am կայքում:

Գրիգոր Մինայանին ՀՀ արդարադատության նախարարի պաշտոնից հրաժարական «ստիպելուց» հետո ԶԳ-ն «կրախի» առաջ է կանգնած. իշխող թիմում թեկնածու չունեն: Միայն հայտնի է, որ նախարար աշխատելու իր համաձայնությունն է տվել ԶԳ խմբակցության պատգամավոր Արմեն Խաչատրյանը: Այս մասին «Ժողովուրդ» օրաթերթին հենց ինքը՝ պատգամավորն է հայտնել: Սակայն նախկին պետավտոտեսուզ Արմեն Խաչատրյանը չունի իրավաբանի բարձրագույն կրթություն: Նա 2000 թվականին 27 տարեկանում միայն ավարտել է ՀՀ ներքին գործերի նախարարության բարձրագույն դպրոցը, ստացել իրավագիտության մասնագետի որակավորում, բայց հավակնում է ներ մասնագիտական կարողություններ պահանջող նախարարություն դեկավարել: Հիշեցնենք, որ իշխանությունը պայման ունի գտնել կուսակից, ով կհավակնի այդ պաշտոնին. ընտրյալը պետք է կայացնի իշխանության «սրտի» որոշումները՝ չնտածելով արդարադատության մասին: Իսկ ի՞նչ ունեցվածք ունի ԶԳ խմբակցության պատգամավոր Արմեն Խաչատրյանը: Համաձայն 2023 թվականի հաշվետու տարվա հայտարարագրի՝ պատգամավոր Արմեն Խաչատրյանը որեւէ անշարժ գույք չի հայտարարագրել: Միայն մեկ տրանսպորտային միջոց՝ Vaz մակնիշի, որը գնել է 2007 թվականին: Պատգամավորի բանկային հաշիվների մնացորդը կազմել է գրեթե 800 հազար դրամ, իսկ հաշվետու տարվա եկամուտը՝ 14 մլն 201 հազար դրամ:



Շարունակությունը՝ ArmLur.am կայքում:

ԶՐՈՒՅՑ

«ՄՈՍԿՎԱՆ ՉՊԵՏՔ Է ՊԱՏԵՐԱԶՄԻ ՏՈՆ ՏԱՐ», ՄԵԼԻՔՅԱՆ

«Ժողովուրդ» օրաթերթի հեռ գրույցում Արցախի ԱԳ նախարար Արման Մելիքյանը մանրամասներ է հայցնել ինչ էր կատարվում Արցախում, արդյո՞ք Արցախում ինչի ունեցած վերջին ընտրությունը ազդեց հայաթափմանը:

Արցախի նախկին արտգործնախարարը նաեւ խոսել է արցախահայերի վերադարձի հավանականության մասին:

«Պարոն Մելիքյան, տեսական ժամանակ է, ինչ Հայաստանի Հանրապետությունում ու Ադրբեջանը խաղաղության պայմանագիր ստորագրելու շուրջ բանակցություններ են վարում, սակայն այդպես էլ մինչ օրս որեւէ փաստաթուղթ չի ստորագրվել, հակառակ նրան, որ գործընթացը սկսվել է 44-օրյա պատերազմի ավարտին: Ավելին՝ Հայաստանի վարչապետն ասում է. «Ստորագրենք այն կետերը, որոնց շուրջ արդեն համաձայնություն կա», իսկ Ադրբեջանի նախագահ Ալիևը մի քանի օր առաջ նոր հայտարարությամբ հանդես եկավ՝ նշելով, որ ՀՀ վարչապետի այդ առաջարկն անիրատեսական է եւ պետք է բոլոր կետերը համաձայնեցվեն: Ի՞նչ զարգացումներ են հնարավոր առաջիկայում, որեւէ փաստաթուղթ ստորագրելու նախադրյալներ տեսնում եք:

«Խաղաղության պայմանագիր» ստորագրման մասին խոսելը, կարծում եմ, վաղ է: Լավագույն դեպքում՝ գուցե կարողանան ստորագրել մի արձանագրություն՝ «Խաղաղության պայմանագիր» ստորագրելու նպատակահարմարության վերաբերյալ: Դա էլ միայն նրա համար, որ արդարացի գործընթացի առկայությունը, որպեսզի ցույց տան, որ դեռեւս լիարժեք համաձայնություն չկա, սակայն կողմերը նպատակահարված են համաձայնություն ձեռք բերելուն: Մոտակա ժամանակներում դժվար թե խաղաղության պայմանագիր ստորագրվի:

«Քիտենք, որ այս օրերին, գործընթացին զուգահեռ, տարբեր երկրներ, միջազգային դերակատարներ հայտարարում են այն մասին, որ «խաղաղության պայմանագրում» պետք է տեղ գտնի նաեւ արցախցիների վերադարձի հարցը: Անգամ ամերիկյան կողմն է նման հայտարարություն արել: Իսկ հայկական կողմը հակառակ՝ փակ է համարում վերադարձի թեման: Նիկոլ Փաշինյանը նույնիսկ հայտարարել է, որ անիրատեսական է արդեն արցախցիների վերադարձը Արցախ: Ձեզ համար հասկանալի է, թե ինչու է հայկական կողմը նման դիրքորոշում արտահայտել եւ արդյոք վերադարձի նախադրյալներ տեսնում եք:



«Նախադրյալներ արհրաժեշտ է ստեղծել, ձեւավորել: Այդ ուղղությամբ աշխատանք է պետք տանել: Հայաստանի գործող իշխանությունը այլ դիրքորոշում ունի. նա Արցախը չի համարում ինքնուրույն պետություն, իսկ արցախահայությանը դիտարկում է որպես վտարանդի եւ փախստական: Ելնելով ՀՀ իշխանության դիրքորոշումից՝ կարելի է ենթադրել, որ Արցախի հայության ճակատագիրը լիովին թողել է Ադրբեջանին, դիտարկում է, որպես Ադրբեջանի ներքին հարց: Ադրբեջանն էլ իր հերթին Արցախի կարգավիճակի հարցը համարում է փակված հարց, իսկ արցախահայության վերադարձը կապում է Ադրբեջանի քաղաքացի դառնալու նախապայմանի հետ, ինչը արցախահայության համար անընդունելի է: **Ձրույցը ՔՐԻՍՏՆԱ ՍՈՒՇԵՐՅԱՆԸ**

ԸՆԹԱՑԻԿ
ՔՅԱՐԱՄՅԱՆԻ ՊԱՀՎԱԾՔԸ ԽՄԲԱԿՑՈՒԹՅՈՒՆՈՒՄ ԿՔՆՆԱՐԿԵՆ

ՀՀ ԱԺ պաշտպանության եւ անվտանգության հարցերի մշտական հանձնաժողովի նախագահ, ԶՊ պատգամավոր Անդրանիկ Քոչարյանը լրագրողների հետ գրույցում անդրադարձել է Ազգային ժողովում տեղի ունեցած անախորժությանը:

Հիշեցնենք, որ օրերս ԱԺ խումբի ժամին ԶՊ-ական պատգամավոր Հովհաննես Աղազարյանի եւ Քննչական կոմիտեի նախագահ Արգիշտի Քյարամյանի միջեւ ընդհարում տեղի ունեցավ, նրանք սկսեցին միմյանց վիրավորել ու քաջքեղել:

Դիտարկմանը, թե ինչպես է վերաբերվում Արգիշտի Քյարամյանի արձագանքին՝ Անդրանիկ Քոչարյանը պատասխանեց. «Ցանկացած պաշտոնյա պետք է լինի շատ զուսպ, ԱԺ-ն ներկայացուցչական ամենաբարձր մարմինն է, ինչ ասես՝ կարող են խոսել: Դուք ինձ ինչքան սուր հարցադրումներ եք անում, կամ ընդդիմադիրները... ԱԺ-ն հարցեր բարձրացնելու տեղ է», -ասաց նա եւ հավելեց. «Աղազարյանը նաեւ տարիքով է մեծ: Աղազարյանն էլ մեզ է առավելից երեկոյ միջոտ անհարժար վիճակների մեջ դնում, այդպես լինելը՝ պետք է բոլորս դանակն առնենք

ու Աղազարյանի հետեւից ընկնենք, բայց այդպես չի լինում: Պատգամավորն իր կարծիքն է արտահայտում, բայց երբեք չի կարելի պատգամավորին ենթարկել ճնշման՝ իր տղայի հետ կապված քրեական հողվածների լեզվով: Ինձ համար դա ընդունելի չէ: Պառլամենտն է մեր երկրի կայունություն ապահովողը»:

Նա նկատեց, որ խմբակցությունում այս հարցով քննարկում չի եղել, բայց այս հարցերին անապաման անդրադարձ կլինի:

ԿՈՌՈՒՊՑԻԱՆ ՉՐՎԵՐԱՑՆԸ

2018 թվականի նոյեմբերի 19-ին՝ Մարտունու 190-ամյակին նվիրված միջոցառումների ընթացքում ունեցած ելույթի ժամանակ, Նիկոլ Փաշինյանը հայտարարեց. «Հեղափոխությունը կազմակերպող քաղաքական թիմը կատարել է ժողովրդի առաջ ստանձնած իր բոլոր պարտավորությունները: Մենք ասում էինք՝ ձեր կամքը արտահայտեք փողոցներում եւ հրապարակներում, եւ մենք այդ կամքը կդարձնենք իրականություն: Եվ մենք դա արեցինք: Հաջորդը՝ ասացինք, որ անգիջում պայքար կմղենք կոռուպցիայի դեմ: Այսօր այդ պարտավորությունը լիարժեք կատարված է: Մենք ասում էինք, որ կհասնենք արտահերթ խորհրդարանական ընտրությունների: Մենք հոկտեմբերի 2-ին, 40-50 հազար մարդու օգնությամբ

ծող իշխանությունը այլ դիրքորոշում ունի. նա Արցախը չի համարում ինքնուրույն պետություն, իսկ արցախահայությանը դիտարկում է որպես վտարանդի եւ փախստական: Ելնելով ՀՀ իշխանության դիրքորոշումից՝ կարելի է ենթադրել, որ Արցախի հայության ճակատագիրը լիովին թողել է Ադրբեջանին, դիտարկում է, որպես Ադրբեջանի ներքին հարց: Ադրբեջանն էլ իր հերթին Արցախի կարգավիճակի հարցը համարում է փակված հարց, իսկ արցախահայության վերադարձը կապում է Ադրբեջանի քաղաքացի դառնալու նախապայմանի հետ, ինչը արցախահայության համար անընդունելի է: **Ձրույցը ՔՐԻՍՏՆԱ ՍՈՒՇԵՐՅԱՆԸ**

Ձրույցը ՔՐԻՍՏՆԱ ՍՈՒՇԵՐՅԱՆԸ

հասանք դրան: Հետեւաբար, բոլոր խոստումները, որ տվել ենք հեղափոխական այս փուլի համար, բոլորը կատարված են: Իրականում, սակայն, Նիկոլ Փաշինյանը այստեղ եւս պարզապես ստում է: Նա մինչեւ 2018 թվականին վարչապետ ընտրվելը տվել է հարյուրավոր խոստումներ, մինչդեռ ընդամենը 3-ի մասին է նշել: Ընդ որում, դրանցից կատարվել է ընդամենը 1-ը՝ հեղափոխությունը: Արտահերթ ընտրությունների խոստումը ֆորմալ կարելի է համարել կատարված, բովանդակության իմաստով՝ ոչ, քանի որ 21.04.2018թ. խոստանում էր, որ արտահերթ ընտրություններից առաջ կփոխվի Ընտրական օրենսգրքը եւ կուսակցությունների մասին օրենքը: Այնինչ ոչ մեկն էլ չփոխվեց: Կոռուպցիայի դեմ անգիջում պայքարի խոստումը եւս տապալվել է. ոչ մի կոռուպցիոներ պատժված չէ, թալանը ժողովրդին չի վերադարձվել: Այն, որ իշխանության անդամների հարազատները նշանակվում են պաշտոնների, պետական գնումները տեղի են ունենում իշխանության անդամներին փոխկապակցված կամ նրանց հարազատների ընկերություններից, իշխանության ներկայացուցիչները արագ հարստանում են, հենց կոռուպցիա է այս իշխանության օրոք, որը զարգանում է մեծ տեմպերով: Ալեն Սիմոնյանի, Արմեն Փամբուխչյանի, Սուրեն Պապիկյանի եւ մյուսների ունեցվածքի շեշտակի աճը՝ վառ վկայություն է:

ԱԶԳԱՅԻՆ ԺՈՂՈՎՈՒՄ «ՌԱԶԲՈՐԿԱՆԵՐ» ԵՆ



Հայաստանում հանցավորության իրավիճակի վերաբերյալ ԶՊ խմբակցության պատգամավոր Անդրանիկ Քոչարյանի նախաձեռնած լուսնային վերածվեցին իսկական «տղայական խոսակցության»:

Բայց, արի ու տես, որ այս անգամ իրար լեզու չէին հասկանում ոչ թե ընդդիմությունն ու իշխանությունը, այլ վեճ էր ընկել Քննչական կոմիտեի նախագահ Արգիշտի Քյարամյանի եւ ԶՊ խմբակցության պատգամավորների միջեւ: Վիճաբանությունը սկսվեց այն բանից, որ ԱԺ ամբիոնից պատգամավոր Հովհաննես Աղազարյանը մեղադրեց Քյարամյանին, որ Հայաստանում կալանքը որպես ճնշման միջոց է կիրառվում եւ պնդեց, որ իր նկատմամբ նույնպես ճնշումներ են գործադրվել:

ԶՊ-ականներին բարկացրեց հատկապես այն, որ ԶԿ նախագահը բացահայտումներ արեց իշխանականների ապօրինությունների վերաբերյալ: Մասնավորապես, Արգիշտի Քյարամյանը պարզաբանում պահանջեց՝ ինչու են Հովհաննես Աղազարյանի որդու քրեական գործի հետ կապված իրեն զանգել:

Հովհաննես Աղազարյանի եւ ԶԿ դեկլամարի այս վեճը վերածվեց փոխադարձ հայիոյանքների, հրմշտողի:

Լուսնային նախագահող Անդրանիկ Քոչարյանը, իրավիճակը հանդարտեցնելու փոխարեն, ավելի շիկացնում էր այն՝ պարբերաբար ընդհատելով Քյարամյանին եւ թույլ չտալով խոսել:

Ի դեպ, «Ժողովուրդ» օրաթերթը հայտնել է նաեւ, որ ԱԺ-ում այս միջադեպից հետո Անդրանիկ Քոչարյանի ձեռամբ ԶՊ-ում Արգիշտի Քյարամյանին պաշտոնանկության պահանջով ստորագրահավաք են սկսելու:

ԽԱՂԱՎՈՒԹՅԱՆ ՀԱՄԱԶԱՅՆԱԳԻՐԸ ԿԱՌԱՎԱԾ Է ԿՈՂԱՏԵՐԻՑ

ԱՄՆ-ն երբեք ՀՀ-ի եւ Ադրբեջանի միջեւ հնարավոր խաղաղ համաձայնագիրը չի կապել COP29-ի հետ: Այս մասին ճեպագրույցում ասել է Պետդեպարտամենտի մամուլի ծառայության ղեկավար Մեթյու Միլլերը:

«Մի քանի ամիս առաջ մենք ցանկանում էինք տեսնել Հայաստանի եւ Ադրբեջանի միջեւ խաղաղության համաձայնագիրը եւ պնդում էինք, որ այն ձեռք բերվի: Այնուամենայնիվ, դա կախված է կողմերից, ոչ թե Միացյալ Նահանգներից», - ասել է նա:

ԻՐԱՎԻՃԱԿ

ԻՐԱՆՏԻ ՓՈՐՁԱԳԵՏԻ ԴԻՏԱՐԿՈՒՄՆԵՐԸ

ԻՆՉՈՒՐ ԲԱՔՈՒՆ COP29-Ի ՂԱՄԱՐ ԱՐԺԱՆԻ ՀՅՈՒՐԸՆԿԱԼ ՉԷ



ՄԱԿ-ի Կլիմայի փոփոխության համաժողովը՝ COP29-ը, անցկացվելու է Ադրբեջանում նոյեմբերի 11-ից 22-ը: Հաշտեցմանը Ադրբեջանի կողմից բնադահողանության ոլորտում բացասական վարձագիծը՝ նման համաժողովի անցկացումը Բաքվում ֆինանսաբյուջաների մեծ ալիք է բարձրացրել սարքեր երկրներում:

Կովկասի հարցերով իրանցի հայտնի փորձագետ Ահմադ Զազեմին օրերս «Ինչու» Բաքուն COP29-ի համար արժանի հյուրընկալ չէ» վերնագրով հոդված է հրատարակել, որտեղ հստակ մատնանշել է, թե ինչու այդ համաժողովը չպետք է անցկացվի Բաքվում: Փորձագետը նախ ընդգծել է, որ Կլիմայական համաժողովի անցկացվում է այն երկրներում, որոնք մեծ դերակատարում են լուրջ առաջընթաց ունեն շրջակա միջավայրի պաշտպանության գործում, իսկ Ադրբեջանը, ընդհակառակը, այս առումով շատ վատ համբավ ու փորձ ունի: Փորձագետը նկատել է, որ Բաքվի Նավթային արդյունաձեռնարկի հետեանքով Կասպից ծովում վտանգված է բուսական ու կենդանական աշխարհը:

Փորձագետը նշել է, որ դեռ տասնյակ տարիներ առաջ Ադրբեջանը Կասպից ծով է լցրել Ուկրաինայից Ադրբեջան բերված միջուկային թափոնները՝ յուրաքանչյուր կոնտեյների դիմաց ստանալով 260 հազար դոլար:

«Կոյուղային ենթակառուցվածքների ոլորտում ներդրումների բացակայության պատճառով ամեն տարի խիտ բնակեցված Բաքուն եւ Սումգայիթ քաղաքներից միլիոնավոր տոննա քաղաքային, կենցաղային եւ արդյունաբերական ջնջված թափոններ են լցվում Կասպից ծով, իսկ Նախիջեանից էլ՝ Արաքս գետը», - շարունակել է Զազեմին:

Բացի դրանից՝ փորձագետը մատնանշել է, որ շրջակա միջավայրի պաշտպանության շուրջ Բաքվի հնչեցրած մտահոգությունները ձեւական ու ցուցադրական բնույթ ունեն: Որպես օրինակ՝ նա նշել է, որ Բաքուն անհանգստացած է Կասպից ծովի մակարդակի նվազմամբ միայն այն պատճառով, որ այն վնաս է հասցնում Նավթարդյունահանմանը:

Զազեմին խոսել է նաեւ Ադրբեջանի Սոյուլու գյուղի էկոլոգիական խնդիրների եւ դրանք բարձրաձայնող գյուղացիների նկատմամբ իշխանությունների գործադրած ճնշումների մասին: (Ավելի մանրամասն՝ «COP29-ը եւ Բաքվի ցինիզմը» հոդվածում):

Սա փորձագետի՝ ամենամյա այդ համաժողովները միայն «շրջակա միջավայրի պաշտպանության» մասին չեն, այլ «մարդու իրավունքների», իսկ Ադրբեջանը խախտում է ոչ միայն շրջակա միջավայրի պաշտպանության մասին օրենքները, այլեւ մարդու իրավունքները: Այս համատեքստում նա հիշատակել է շիա հավատացյալների ու ազգային փոքրամասնությունների նկատմամբ բռնաճնշումներն Ադրբեջանում: Փորձագետը նկատել է, որ այս վարձագիծը Բաքուն փորձում է քողարկել միջազգային միջոցառումների անկացմամբ, ինչպես, օրինակ, «Ֆորմուլա 1»-ն է:

«Ներկայումս Ադրբեջանը COP29-ը փորձում է օգտագործել որպես գործիք՝ աշխարհի, հատկապես արեւմտյան աշխարհի հասարակական կարծիքը Ղարաբաղի ինքնավար շրջանի էթնիկ գտնվածքից շեղելու համար: 2023 թվականի սեպտեմբերի 19-ին Ադրբեջանը հարձակվեց Ղարաբաղի վրա եւ խախտեց 2020 թվականի Մոսկվայի հրադադարի համաձայնագիրը՝ պատճառ դառնալով ավելի քան 120.000 բնիկ հայերի զանգվածային տեղահանության ու բռնազրկումների ուստի հարելով նրանց ունեցվածքի, պատմական, մշակութային եւ կրոնական իրավունքները: Օգտագործելով COP29 միջոցառումը եւ հյուրընկալվելով մոտ 80.000 մարդու եւ ցույց տալով խաղաղ դեմք՝ Բաքուն փորձում է շեղել համաշխարհային հանրային կարծիքն այս էթնիկ գտնվածքից: Այդ իսկ

պատճառով, Ղարաբաղից վտարված հայերին պատկանող պատմական եւ կրոնական հուշարձանների ոչնչացման մասին լուրերին զուգահեռ Ադրբեջանի Նախագահը Ղարաբաղը եւ նրա շրջակա տարածքները հռչակեց «կանաչ էներգիայի» գոտիներ», - գրել է Զազեմին:

Նա հավելել է, որ Արցախը զավթելուց բացի՝ Ադրբեջանն ագրեսիա է իրականացնում նաեւ Հայաստանի Հանրապետության նկատմամբ՝ նրա տարածքը հռչակելով «Արեւմտյան Ադրբեջան» եւ հրաժարվելով խաղաղության պայմանագիր կնքելու: Զուգահեռաբար Ադրբեջանն առաջ է մղում, այսպես կոչված, «Ջանգեգուրի միջանցքի» հարցը, որն իր հերթին, փորձագետի գնահատմամբ, ադետաբեր է լինելու նաեւ տարածաշրջանի շրջակա միջավայրի համար: «Այս ֆոնին» Բաքվի կողմից COP29-ի հյուրընկալումը դարձրեց հեղանակ է շրջակա միջավայրի վերաբերյալ միջազգային օրենքների նկատմամբ», - համոզմունք է հայտնել Զազեմին:

Որպես վերջաբան՝ Ահմադ Զազեմին ընդգծել է, որ այս համաժողովը Բաքվում է անցկացվում Ադրբեջանի Նավթարդյունքների շնորհիվ, սակայն իրականում Ադրբեջանը ՄԱԿ-ի Կլիմայի փոփոխության համաժողովի անցկացման համար արժանի հյուրընկալ չէ:

է. ՄԱՍՏԻՐՈՍՅԱՆ

ՖՐԱՆՍԻԱՆ ՄՏԱՀՈԳՎԱԾ Է

Ֆրանսիայի ԱԳՆ-ն մտահոգություն է հայտնել Թայվանի տարածքում Չինաստանի ծովային զորավարությունների կապակցությամբ՝ կոչ անելով խուսափել տարածաշրջանում էսկալացիալից:

«Մենք մտահոգությամբ հետեւում ենք ՉԺՀ-ի զորավարություններին Թայվանի շուրջ: Ֆրանսիան վերահաստատում է իր հանձնառությունը նեղուցում խաղաղության եւ կայունության պահպանմանը, որոնք էական են գլոբալ անվտանգության եւ բարգավաճման համար, եւ դեմ է ստատուս քվոյի ցանկացած միակողմանի փոփոխությանը ուժի կամ հարկադրանքի միջոցով: Թայվանի նեղուցում պետք է խուսափել էսկալացիայից», - ասված է հարդարագրության մեջ:

PLA զորավարությունները տեղի ունեցան հոկտեմբերի 14-ին՝ դառնալով Պեկինի պատասխանը Թայվանի վարչակազմի դեկավար Լայ Յինդեի՝ հոկտեմբերի 10-ի ելույթի: Նա ասել էր, որ կղզին կպաշտպանի իր «ազգային ինքնիշխանությունը»: Ի պատասխան՝ Չինաստանի ԱԳՆ պաշտոնական ներկայացուցիչ Մաո Նինգը հիշեցրել է, որ Թայվանը Չինաստանի մաս է, կղզին ինքնիշխան պետություն չի եղել եւ երբեք չի դառնա:

ԿՈՆԳՐԵՍԸ ՄԵՂԱԳՐԵԼ Է ԲԱՅԳԵՆԻՆ

«Աշխարհը երրորդ համաշխարհային պատերազմի շեմին է՝ ԱՄՆ նախագահ Զո Բայդենի վարչակազմի թուլության պատճառով, որի քաղաքականությունը նպաստեց գլոբալ լարվածության աճին», - ասել է Ներկայացուցիչների պալատի Զինված ծառայությունների հանձնաժողովի անդամ Մայքլ Ուոլքը:

Երեքշաբթի օրը, ելույթ ունենալով CNN-ի եթերում, հանրապետական օրենսդիրը մատնանշել է, որ Եվրոպայում եւ Մերձավոր Արեւելքում տեղի ունեցող իրադարձություններն աշխարհը հասցրել են երրորդ համաշխարհային պատերազմի շեմին, որը տեղի է ունեցել վերջին չորս տարիների ընթացքում՝ «Բայդենի հսկողության ներքո»:

ԴԱԿԱՐԵՑԻԵԼ Է ԹՈՒՉԻՆԵՐԸ ԳԵՊԻ ԵՎՐՈՊԱ

«Iran Air»-ը՝ միակ իրանական ավիափոխադրողը, դադարեցնում է թռիչքները դեպի Եվրոպա ԵՄ Նոր պատժամիջոցներից հետո: Այս մասին հայտարարել է Իրանի ավիափոխադրողների ասոցիացիայի տնօրեն Մաքսուդ Ասադի Ամանին:

«Մեր երկրում միակ ավիաընկերությունը, որը թռել է Եվրոպա, եղել է «Iran Air»-ը, եւ հաշվի առնելով «Iran Air»-ի դեմ ԵՄ Նոր պատժամիջոցները, դրանից հետո իրանական ոչ մի ինքնաթիռ չի թռչի Եվրոպա», - նրա խոսքն է մեքեթրում ILNA-ն, փոխանցում է SUUU լրատվական գործակալությունը:

ՆԱԴՂԱՂՈՒԹՅԱՆ ՄԻՋԱԶԳԱՅԻՆ ՀԱՄԱԺՈՂՈՎ ԿԿԱԶՄԱԿԵՐՊՎԻՔ

Շվեյցարիայի խորհրդարանում երկրի կառավարությանը կոչ են արել Լեռնային Ղարաբաղի հակամարտության վերաբերյալ խաղաղության միջազգային համաժողով կազմակերպել: Շվեյցարիայի Գաււային խորհրդի (խորհրդարանի ստրիմ դպալաւ) արտաքին հարաբերությունների հանձնաժողովը ընդունել է համադասախան բանաձեւը:

Ղաշնային խորհրդի կողմից ընդունվելուց հետո բանաձեւը կքննարկվի նաեւ խորհրդարանի վերին պալատում:

Համաժողովի նպատակը կլինի «ոյուրացնել Ադրբեջանի եւ Լեռնային Ղարաբաղի հայերի ներկայացուցիչների միջեւ երկխոսությունը հայ բնակչության անվտանգ եւ հավաքական վերադարձի շուրջ՝ միջազգային դերակատարների

հսկողությամբ կամ ներկայությամբ»: Հիմնավորման մեջ նշվում է, որ 2023 թվականի սեպտեմբերին Ադրբեջանի վերջին ռազմական հարձակումից ի վեր Լեռնային Ղարաբաղը զրկվել է հայ բնակչությունից:

«Վախենալով նոր ցեղասպանությունից, ինչպիսին 1915 թվականին հայերի դեմ իրագործվեց՝ բնակչությունը ստիպված եղավ մի քանի օրվա ընթացքում լքել իր հայրենիքը: Այդ ժամանակից ի վեր տարածաշրջանում տեղի են ունենում փաստագրված էթնիկ գտնվածք, հայկական մշակութային ժառանգությունը, ինչպիսիք են եկեղեցիները, վանքերն ու գերեզմանատները, սխտեմատիկորեն ոչնչացվում կամ ձեւափոխվում են՝ վերանորոգման» անվան տակ:

Չնայած այս լուրջ իրադարձություններին, Լեռնային Ղարաբաղի հայերը պահ-

պանում են միջազգային հանրության անվտանգության երաշխիքների ներքո հայրենիք վերադառնալու, սեփական քաղաքական ապագան որոշելու եւ ժողովրդավարական ինքնակառավարում իրականացնելու ցանկությունը: Միջազգային հանրությունը բազմիցս հանդես է եկել որոշակի դիրքորոշմամբ:

2023 թվականի նոյեմբերի 17-ին Միջազգային դատարանը վճռեց, որ Ադրբեջանը պարտավոր է ապահովել Լեռնային Ղարաբաղի հայ բնակչության «անվտանգ, անարգել եւ արագ վերադարձը»...Սա ընդգծում է հակամարտության խաղաղ կարգավորման եւ Լեռնային Ղարաբաղի հայ բնակչության իրավունքների պաշտպանության համար բանակցությունների Նոր ձեւաչափի անհրաժեշտությունը», - ասված է հիմնավորման մեջ:

ԶՐԳՈՐԾ

ԻՆՉՈՐԻ ՎԱՐՉԱՊԵՏԻ ԿԵՆՁԸ ՉԵՆ ՀԱՐՑԱՔՆՆԵԼ

«Ժողովուրդ» օրաթերթը գրել էր, որ ՀՀ ՖՆՆՅԱԿԱՆ ԿՈՄԻՏԵՆ ԳՆԱՏԱՐԱՆԻ ԿԵՆՁԻ ՓՈՐՏԱԿԱՆ ԿԵՆՁԻ ԿՈՆՑՍՈՒՄԻ ԿՈՒՐՏԱԿԱՆ ԿԵՆՁԻ ԿՈՆՏԱԿՏԱԿԵՐՈՒՄԻ ԿԵՆՁԻ ՎԱՐՉԱՊԵՏԻ ԿԵՆՁԸ ՉԵՆ ՀԱՐՑԱՔՆՆԵԼ:

Տեղեկությունը «Ժողովուրդ» օրաթերթին հաստատել էր փաստաբան Արայիկ Պապիկյանը՝ հայտնելով, որ նախաքննության ավարտ է հայտարարվել, ու գործն ուղարկվել է դատախազին՝ այն հաստատելու եւ դատարան ուղարկելու համար:

Մենք հայտնել էինք, որ միակ մեղադրյալը 67 տարեկան պապիկ, ԱԺԲ անդամ Տիգրան Դերմոյանն է: Նա շարունակում է մնալ միակ մեղադրյալը, ու գործը գնում է դատարան, տեսնենք, թե ինչ կլինի այնտեղ:

Հիշեցնենք, որ 2024թ. ապրիլի 24-ին «Ծիծեռնակաբերդի» հուշահամալիրի անմար կրակին մոտենալու ժամանակ, վարչապետ Նիկոլ Փաշինյանի կնոջ՝ Աննա Հակոբյանի եւ նրա դստեր ներկայությամբ «Ազգային ժողովրդավարական բեռնի» անդամները բռնություն ցուցաբերեցին նրանց՝ «հավաճան», «հողատու»: Միջադեպից հետո 7 անձ ձերբակալվել էր:

Արդյունքում մի խումբ անձանց կողմից առերեսված ատելության, խտրականության, անհանդուրժողականության կամ թշնամանք հրահրելուն կամ քարոզելուն ուղղված հրապարակային խոսք հնչեցնելու, եւ հաղորդակցային-տեղեկատվական մի քանի միջոցներով տարածելու գործողությունների դեպքի առթիվ ՀՀ քննչական կոմիտեի Երեսան քաղաքի քննչական վարչության՝ Երեսան քաղաքի Մալաթիա-Սեբաստիա վարչական շրջանի քննչական բաժնում ՀՀ քրեական օրենսգրքի 329-րդ հոդվածի 2-րդ մասի 1-ին կետով (մի խումբ անձանց կողմից, նախնական համաձայնությամբ ատելություն, խտրականություն, անհանդուրժողականություն կամ թշնամանք հրահրելուն կամ քարոզելուն ուղղված հրապարակային խոսքը, ինչպես նաեւ այդ նպատակով նյութեր կամ առարկաներ տարածելը) նախաձեռնվել է քրեական վարույթ:



«Ժողովուրդ» օրաթերթը դատական նիստից հետո հարց ուղղեց գործով դատախազին, թե ինչու միայն թիրախավորեցին 67-ամյա պապիկին եւ ինչու, ի վերջո, վարչապետի կնոջը չեն հարցաքննել: Ի պատասխան՝ դատախազը պարզապես հեզակական ներողություն խնդրեց ու շտապեց դուրս գալ դատարանի շենքից՝ այդպես էլ մեր հարցին պատասխան չտալով: ԶԵՍՄ ՍԱՆՈՒԿՅԱՆ

ՆՈՐ ՄԱՆՐԱՄԱՍՆԵՐ

ԻՆՉՆ Է ԵՂԵԼ ՄՊԱՆՈՒԹՅԱՆ ՊԱՏՃԱՌԸ



Հոկտեմբերի 16-ի գիշերը՝ ժամը 1:29-ին, ՆԳՆ ոստիկանության Արարատի օպերատիվ կառավարման կենտրոնի հաղորդում է ստացվել, որ «Վեդի» բժշկական կենտրոնի շտապօգնության խումբը դանակահարության կանչով մեկնել է Նոր Ուրի, որտեղ արձանագրել է նույն գյուղի բնակիչ 34-ամյա Սերոբ Ստեփանյանի մահը:

ՆԳՆ ոստիկանության հաղորդագրության համաձայն՝ ահազանգով մեկնած ոստիկանության Արարատի բաժնի օպերատիվ խումբը եւ պարեկային կարգախումբը ձեռնարկված օպերատիվ-հետախուզական միջոցառումների արդյունքում պարզել են, որ ժամը 1-ի սահմաններում գյուղի Թումանյան փողոցի հասցեներից մեկում կենցաղային հարցի շուրջ ծագած վեճի ժամանակ Փոքր Վեդի գյուղի բնակիչ 46-ամյա տղամարդը սուր կտրող-ծակող առարկայով հարվածներ է հասցրել Սերոբ Ստեփանյանի մարմնի տարբեր մասերին՝ պատճառելով կենսաբանական մահ, ինչպես նաեւ մարմնական վնասվածք է պատճառել նրա 37-ամյա եղբորը:

«Ոստիկանության Արարատի բաժնի, մարզային վարչության եւ պարեկային ծառայողների համատեղ ձեռնարկված միջոցառումների արդյունքում 46-ամյա տղամարդը ժամը 2:35-ին հայտնաբերվել է ձերբակալվել եւ տեղափոխվել է Արարատի բաժնի: Անձնական խուզարկությամբ նրա մոտ հայտնաբերվել է հանցագործության գործիք դասակարգված փայտեղանկ կտրող-ծակող: Հարցաքննության արդյունքում պարզվել է, որ հանցագործության գործիքը ներկայացվել է նույն կանչով ընկած բաժնի: Հանցագործության գործիքը ներկայացվել է նույն կանչով ընկած բաժնի: Գալուստ Գ. Գ.-ն սուր կտրող-ծակող առարկայով հարվածներ է հասցրել Ս.Ս.-ի մարմնի տարբեր մասերին, ինչի արդյունքում 34-ամյա երիտասարդը մահացել է:

Սույն դեպքով ենթադրյալ հանցագործը ձերբակալված է, իսկ ահա վիճաբանության պատճառով եղել է հայտնաբերված:

ԶՐԵԱԿԱՆ ԶՐՈՆՆԻԿՈՆ

ԳԱՏԱՐԱՆԸ ՄԵՐԺԵԼ Է ԱԼԵՆ ՄԻՄՈՆՅԱՆԻ ՀԱՅՑԸ

Լրագրող Նաիրի Հոխիկյանը ֆեյսբուքյան գրառմամբ հայտնել է, որ Վերաքննիչ քաղաքացիական դատարանը մերժել է ԱԺ նախագահ Ալեն Սիմոնյանի հայցը Նաիրի Հոխիկյանի դեմ եւ համարել անհիմն:

«Հիշեցնեմ, որ 2023-ի սեպտեմբերի 20-ին, երբ Արդարադատության Կրեմլի կողմից երեւոյեալ էր սկսել Արցախի վրա, ՀՀ ԱԺ նախագահը զբաղված էր իմ դեմ դատական հայց ներկայացնելով՝ իրեն իբր թե վիրավորելու համար: Դատական հայցի հիմքում ավելի վաղ հարցազրույցի ժամանակ իմ արած արտահայտությունն է եղել, որտեղ ես Ալեն Սիմոնյանին անվանել եմ «պոռնոգրաֆիլ, որ մինչեւ պաշտոնյա դառնալը տարբեր ֆիլմերի մեջ էր խաղում...»:

Թեպետ Ալենի մասնակցությամբ բաց կիսամերկ, սեռական հարաբերությունների 18+ տեսարաններով ֆիլմեր կան համացանցում, բայց ամեն դեպքում ԱԺ նախագահը վիրավորվել էր իմ խոսքից:

Հայ իրականության ամենապրոֆեսիոնալ եւ ազգային մտածողությամբ փաստաբաններից մեկի՝ Փաստաբան Լուսինե Վիրաբյանի հմուտ աշխատանքի շնորհիվ Առաջին աստիճանի դատարանը ամբողջությամբ մերժել էր Ալենի հայցը, որից հետո Ալեն Սիմոնյանի փաստաբանական թիմը բողոքարկել էր վերաքննիչ քաղաքացիական դատարան, որն էլ 2024թ.



հոկտեմբերի 14-ի որոշմամբ նույնպես մերժել է Ալենին: Ես մեկնաբանություններից գերծ կմնամ, իսկ դուք ձեր եզրակացություններն արեք...», - գրել է Հոխիկյանը:

ՈՐԻԲ ԵՆ ՏՈՒԺՈՂՆԵՐԻ ՓՈՂԵՐԸ

Փաստաբան Հարութ Ավույնցը ֆեյսբուքյան էջում գրում է. «2021 թվականին ընդունված ՀՀ քրեական օրենսգրքով (59-րդ հոդվածի 6-րդ մաս, 128-րդ հոդվածի 5-րդ մաս) առաջին անգամ սահ-

մանվեցին կարգավորումներ, որոնցով նախատեսվում է հանցագործություններից տուժողներին պատճառված վնասի փոխհատուցում պետության կողմից: Ընդ որում, այդ գումարները պետք է գոյանան տուգանք պատժատեսակի կիրառման արդյունքում հավաքագրված գումարների հաշվին:

Ինչպես գիտեք՝ ներկայում տուգանք պատժատեսակը լայնորեն կիրառվում է տրանսպորտային միջոցներ վարելու իրավունքից զրկված անձանց կողմից վարելու գործերով: Ու այդ գումարը, կախված անձի եկամտից, կարող է կազմել մի քանի հարյուր հազարից մինչեւ միլիոն դրամներ:

Քրեական օրենսգրքից ուժի մեջ է արդեն երկու տարուց ավելի: Ուստի վերջերս հարցում էի կատարել ֆինանսների նախարարություն՝ պարզելու, թե քանի անձ է վճարել տուգանք, որքան գումար է հավաքագրվել, քանի տուժող է փոխհատուցում տրվել եւ որքան:

Եվ ահա, պարզվեց՝ երկու տարում որեւէ մեկին փոխհատուցում չի տրամադրվել: Ի հակառակ օրենքի պահանջի՝ նույնիսկ այդպիսի հնարավորություն չի նախատեսվել բյուջեով, եւ ավելին՝ չի հաշվառվում հավաքված գումարը՝ ապագայում նման ծրագիր իրականացնելու համար: Մի խոսքով՝ օրենքի պահանջը կատարելու հույսեր էլ չկան:

Հ.Գ. իրավաբանական օգնության հարկը պակասեցնելու օրենքի նախագծեր մշակելու փոխարեն ֆինանսների նախարարությունը լավ կանի դեռ գործող օրենքների պահանջների կատարումն սպասողի, որ հանցագործություններից տուժողները կարողանան իրենց հասանելի գումարները ստանալ»:

● Ըստ ոստիկանության տվյալների՝ հոկտեմբերի 15-ից 16-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 81 դեպք, որից 1-ը՝ նախկինում կատարված:

ՍԱՐՁ

ՎՆԱՄՆԵՐԸ ԳԵՌ ՉԵՆ ՓՈԽՐԱՏՈՒՑՎԵԼ

Տավուշի մարզպետարանը, հղում անելով «Հիդրոթերմալ Երևան» ԵՎ ՄԱՐԶԱՆԻ ԿԵՆՏՐՈՆ» ՊՈԱԿ-ին՝ մարզի բնակչությանը նախագուշակելով և առաջիկա օրերին հորդ անձրևների, դրա հետևանքով հոկտեմբերի 17-18-ին հանրապետության գետերի մեծ մասում ջրի ելքերի զգալի ավելացման մասին: Այս տարվա մայիսի 27-ի ջրհեղեղից տուժած տավուշցիներից քչերին է պետություն զեղ գրամական փոխհատուցում տրվել, միջպետական ավտոճանապարհի Դիլիջան-Իջեան հատվածում ջրհեղեղից քանդած հատվածները դեռ վերականգնված չեն, այժմ էլ նոր ջրհեղեղի մասին են գուշակում:

2-3 ԱՄԻՍԸ ՄԵԿ ԵՆ ԱՆԽՈՒՍՎԱԲՉ ՄՏԱՆՈՒՄ

Իջեան քաղաքում միջպետական ավտոճանապարհի եզրին, խորհրդային տարիներին գործած հանրապետության ջերմ երկու հարկերում գործում են կարի արտադրամասեր: Երկրորդ հարկում հնդկ երիտասարդներ են աշխատում, առաջին հարկում՝ իջեան քաղաքի, սահմանամերձ Սարիգյուղ, Սեւթար, Բերքաբեր գյուղերի բնակիչ կարող բանվորուհիներ: Բանվորուհիները դժգոհում են, որ իրենք աշխատավարձը ուշացումներով 2-3 ամիսը մեկ են ստանում: Կարի այդ արտադրամասի բանվորներն սասցին, որ իրենք հանդերձանք են կարում Հայաստանի բնակալի գինձառայողների համար: Հարց է ծագում՝ ՀՀ պաշտպանությունը այդ ձեռնարկությանը ժամանակին չի՞ վճարում կատարած պատավերների դիմաց, թե՛ այդ ընկերության նոսրիությունն է անհարկի կերպով ձգձգում աշխատավարձերի վճարումը: Այդ խնդրի վերաբերյալ պարզաբանումներ ստանալու համար տարբեր օրերի բազմաթիվ անգամներ զանգահարեցինք «Տեքստվորդ» ՍՊԸ տնօրեն Ռազմիկ Օհանյանին, սակայն նա չարձագանքեց:

ՄԻ ԾՐԱԳԻՐ, ԱՅՆ ԷԼ՝ ԹԱՂԻՑ

Կառավարության՝ հոկտեմբերի 10-ի նիստում վարչապետ Նիկոլ Փաշինյանը հանգամանալից, ըստ մարզերի համայնքների, ներկայացրեց պետական բյուջեի ֆինանսավորմամբ իրականացված ծրագրերը: Տավուշի մարզն ունի 5 քաղաք, 57 գյուղ, Նիկոլ Փաշինյանը մարզի 62 բնակավայրերից միայն մեկ բնակավայրում ծրագրի ներկայացրեց՝ Իջեան համայնքի Իջեան քաղաքի Բլբուլյան-Ալգեստան փողոցների խաչմերուկից մինչև Ալգեստան-Ալվանյան խաչմերուկ ընկած ճանապարհահատվածի ասֆալտապատումը, որն իրականացվել է: Իջեան քաղաքը Նիկոլ Փաշինյանի հայրենի քաղաքն է, Ալվանյան փողոցում գտնվում է իր հայրական տունը: Այդ փուլում Տավուշի մարզից իրականացվել է ընդամենը մեկ ծրագիր, այն էլ՝ Նիկոլ Փաշինյանի թաղում: Տավուշի մարզում բազում չլուծված հիմնահարցեր կան, հանրակրթական շատ դպրոցների շենքեր վատթար վիճակում են, սահմանամերձ Բարեկամավանի բուժօջիտի տանիքի ծածկը 4 տարի բաց է, սակայն չեն նորոգում:

ՈՍՎԱՆ ՄԱՐԶԱՆ
Տավուշ

ԻՆՉ ԻՐԱՎԿԻՃԱԿ Է ՌԴ-ՈՒՄ

ԿՎԱԴՐՈՒՄԵՐԻՆԵՐԸ «ՀԱՄԱՆ» ՀԱՅԱՍՏԱՆ

Կվադրոբերները դարձել են դասուսասանի Գազնուքյունում, Լավրովն անհանգստացած էր, Միքոյանը ֆիշ, թե աս, սեղյակ:

Կրեմլում Նիկոլ Փաշինյան-Վլադիմիր Պուտին հանդիպման ընդամենը՝ ՌԴ ԱԳ նախարար Սերգեյ Լավրովը հայ գործընկերոջ ու Ռուսաստանում Հայաստանի նորանաշխարհ դեսպան Գուրգեն Արսենյանի հետ զրույցում քննարկել է երեսմաների՝ շան պես քայլելու երեույթը, որն այժմ տարածված է, իսկ դրանք կոչվում են կվադրոբերներ:

Վերջին մեկ ամսվա ընթացքում տեղեկատվական դաշտում տեղ է գտել «կվադրոբեր» բառը: Կատունների ու շների մասին մանկական մուլտբլոկները դարձել է քննարկման հիմնական թեման, որի շուրջ արդեն բարձրաձայնում են պատգամավորներն ու նախարարները: Միեւնույն ժամանակ լրատվում համայնքի անդամները հայտնվեցին սարսափելի պատմությունների էպիկենտրոնում:

Նախ եւ առաջ ամենակարեւոր հարցն է՝ ի՞նչ բառ է «կվադրոբերը»:

Սա մարզումներ կատարող մարդ է: Quadrobics բառը առաջացել է որպես բլտտուր (թիվ 4) եւ աերոբիկա ձեւակերպումներից, այսինքն՝ վարժություններ եւ տեխնիկա, որոնք պետք է կատարվեն չորս վերջույթներ/թաթերի վրա:

Կվադրոբերի նախահայրը համարվում է ճապոնացի Կեյիչի Իտոն, ով 2000-ականների վերջին սկսեց չորս ոտքով հարյուր մետր վազել եւ ճեկորներ սահմանել:

ՌԴ Պետդոմայի պատգամավորներն առաջարկում են տուգանքներով պատժել այն երեսմաներին, ովքեր չորեքքաթ վազում են կատվի եւ շան դիմակներով, ինչպես նաեւ այն ծնողներին, ովքեր իրենց երեսմաների հետ ինչ-որ իմաստով խոսե-



լու փոխարեն նրանց հետ քայլում են շղթաներով: Նախատեսվում է նաեւ արգելել կվադրոբերների քարոզչությունը, որը բառացիորեն հակադրվում է էվոլյուցիայի գործընթացին՝ գրկելով մարդկանց մարդկային արարքներից:

Կատունների եւ շների հագուստով աշակերտներին թույլ չեն տալիս մտնել ռուսական դպրոցներ:

Վերջերս Aurora News-ի տեսախցիկը ԵՊՀ-ի տարածքում ֆիքսել էր կվադրոբերի, որը շրջում էր շան հետ:

Հայաստանում դրանց դրսևորումներն ակնհայտ չեն, նույնիսկ Ազգային ժողո-

վում նման քննարկումներ չեն եղել, ինչպես ՌԴ Պետդոմայում:

Մի քանի հայտնի դեպքեր կան կապված կվադրոբերների հետ:

Օրինակ՝ վերջերս Օմսկում տեղի ունեցած միջադեպը մեծ աղմուկ էր բարձրացրել, երբ մայրը շան կոստյումով զբոսնել էր որդու հետ: Եկատերինբուրգում մետրոյի վագոնում գտնվող տղան սկսել է քսվել ուղեւորների ոտքերին՝ ձեւանալով, թե կատու է: Իսկ Կրասնոդարում կվադրոբեր աղջիկը հարձակվել է մյուսի վրա ու կծել նրան:

ԷՄՄԱ ՄԻՔՍԵՆՆԱՍ

ԻՆՉ ՍՊԱՍԵԼ ՏՐԱՆՍՊՈՐՏԱՅԻՆ ՀԱՄԱԿՎՐԳՈՒՄ

Թե՛ հասարակական տրանսպորտը, թե՛ մեքուսը շահա անակնկալներ են մատուցում բաղաբացիների: Այս երկու փոխադրամիջոցներից օգտվողները ստիպված են լինում երկար ժամանակ սպասել կանգառներում կամ հերթերում, որդեսպի Ա կեսից սեղափոխվեն B կես:

Ինչպես հայտնի է՝ հաջորդ ամսվանից՝ նոյեմբերի 1-ից, հասարակական տրանսպորտից օգտվելու համար պարտադիր պայման է լինելու 100 դրամանոց մետաղադրամի առկայությունը կամ ավտոբուսներում տեղադրված վճարային համակարգով QR կոդի միջոցով վճարում իրականացնելը: Խոսքը հատկապես MAN, ZhongTong եւ GazelCity մակնիշի փոխադրամիջոցների մասին է:

Իհարկե, այս հայտարարությունը բացարձակ ուրախությամբ եւ գոհությամբ չի ընդունվել տրանսպորտային միջոցներից օգտվողների շրջանում, քանի որ հատկապես QR կոդով հասարակական տրանսպորտից օգտվելը շատերի համար դժվարություններ է առաջացնում:

Չզեղվելով QR կոդերի թեմայից՝ հարկ է նշել, որ Երեւանի մետրոյում եւս խնդիրներ են առաջացել օգտվողների համար:

«Ժողովուրդ» օրաթերթի խմբագրությունն ահագանգեր են ստացվել, որ մետրոյի QR կոդերից օգտվելը նոր «փորձություն» է դարձել, քանի որ QR կոդերի համար նախատեսված սարքերը կան չեն



աշխատում, կան կողմ չեն սքանավորում: Իսկ ինչ վերաբերում է բանկային համակարգով վճարումներին, ապա այստեղ էլ նույն պատմությունն է, սակայն մեկ տարբերությամբ. այս դեպքում միայն չեն աշխատում:

Ինդրով պայմանավորված՝ «Ժողովուրդ» օրաթերթը դիմեց Կարեն Դեմիրճյանի անվան Երեւանի մետրոպոլի-

տեն՝ պարզելու, թե ինչ քայլեր են ձեռնարկվում առկա խնդիրներն ու դժգոհությունները վերացնելու համար:

Դիմել ենք նաեւ Երեւանի քաղաքապետարան հասկանալու համար՝ հասարակական տրանսպորտում առկա խնդիրների լուծումները: Արձագանքների մասին կտեղեկացնենք:

ԱՆՆԱ ՄՐԱՊԻՈՆՆԱՍ

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 14 պատահար. 17 մարդ ստացել է տարբեր աստիճանի մարմնական վնասվածքներ:

«ԹԻՄ ՏԵԼԵԿՈՄ»

ՆԵՐԳՐՈՒՄՆԵՐ՝ AI ՏԵԽՆՈԼՈԳԻԱՆԵՐԻ ԶԱՐԳԱՑՄԱՆ ՀԱՄԱՐ



Team Telecom Armenia-ի աջակցությամբ տեղի ունեցավ AI Conf 2024-ը...

Միջոցառմանը բացման խոսքով ելույթ ունեցավ Team Telecom Armenia-ի գլխավոր տնօրեն...

Միջոցառման նպատակն էր քննարկել և հասկանալ, թե ինչ քայլեր է անում Հայաստանը AI տեխնոլոգիաների կիրառման ուղղությամբ...

«Կառուցելով պրոդուկտը արհեստական բանականության միջոցով» պանելային քննարկմանը ընթացքում Team Telecom Armenia-ի պրոդուկտների և վիճակագրության բաժնի ղեկավար Վասիլի Պիսարեյը ներկայացրեց...

Team Telecom Armenia-ի մասին «Տեղեկում Արմենիա» ԲԲԸ-ն (ապրանքանիշը՝ Team Telecom Armenia) հայկական ընկերություն է...

Հանդիսանալով Հայաստանում առաջին տեղեկում ցանցի ժառանգորդը՝ ընկերությունը ունի ոլորտում ծառայությունների մատուցման ավելի քան 100 տարվա պատմություն...

«ԱՐՅԵՍԱԿԱՆ ԲԱՆԱԿԱՆՈՒԹՅԱՆ ՍԵՐՈՒՆԴ»

ՀԱՆԳԻՊՈՒՄ՝ ԱՇԱԿԵՐՏՆԵՐԻ ՀԵՏ

«Արհեստական բանականության (ԱԲ) սերունդ» կրթական ծրագիրը փորձարկող Վաղարշապատի Մախիմ Գորկու անվան N5 ավագ դպրոց է այցելել մարդասեր, «Flagship Pioneering» ընկերության հիմնադիր սնորհն, «Moderna» ընկերության համահիմնադիր և սնորհների խորհրդի նախագահ, Հայաստանի գիտության և տեխնոլոգիաների հիմնադրամի (FAST) համահիմնադիր դոկտոր Նուբար Աֆեյանը:

Դոկտոր Աֆեյանը հանդիպել է ծրագրի աշակերտների հետ, ծանոթացել նրանց առաջին նախագծերին և ոգևորել սովորողներին զարգացնելու նորարարության ձգտումն ու ստեղծարար միտքը:

Դոկտոր Աֆեյանն աշակերտների հետ զրույցում նշել է. «Դուք կարող եք ստեղծել այն, ինչ կարող եք երեակայել: Ես Ձեզ ուզում եմ քաջալերել, որ ոչ միայն արվեստի, այլև գիտության մեջ օգտագործեք ձեր երեակայությունը»:

Դոկտոր Մկրտչյանն էլ, որն ինքն էլ ծնունդով Արմավիրից է, պատմել է Հայաստանից մինչև Մասաչուսեթսի տեխնոլոգիական ինստիտուտ և «Flagship Pioneering» ընկերություն անցած իր ուղու մասին ու ոգևորել ծրագրի մասնակիցներին՝ լավ սովորել, համարձակ մտածել ու բաց ջրողնել արհեստական բանականության մեջ վաղ տարիքից մասնագիտանալու ընձեռնված հնարավորությունը:

Վաղարշապատի N5 ավագ դպրոցը մեկն է հանրապետության այն 15 ավագ դպրոցներից, որոնք 2023 թվականի սեպտեմբերից փորձարկում են «ԱԲ սերունդ» ծրագրի դպրոցական բաղադրիչը: FAST-ի՝ ՀՀ ԿԳՄՍ նախարարության հետ համա-



տեղ իրականացվող այս ծրագիրը ներգրավել է 540 աշակերտ: Ուսուցիչների և ԱԲ ոլորտի մասնագետների աջակցությամբ աշակերտներն ուսումնասիրում են խորացված մաթեմատիկա, Python ծրագրավորման լեզու և արհեստական բանականություն:

Ի լրումն այցի՝ դոկտոր Նուբար Աֆեյանը լինելու է Նոյեմբերի 16-ին Փարիզում կայանալիք FAST-ի Advance Armenia Gala բարեգործական ընթրիքի բանախոսներից մեկը: Միջոցառմանը նվիրաբերված բոլոր միջոցներն ուղղվելու են «ԱԲ սերունդ»-ի աշակերտների ուսումնառության ապահովմանն ու ծրագրի ընդլայնմանը:

FAST հիմնադրամը ստեղծվել է 2017 թվականին Հայաստանը գիտությամբ և նորարարությամբ առաջատար երկիր

դարձնելու առաքելությամբ: Հիմնադրամն իրականացնում է նախագծեր կրթության, գիտության և գիտական արդյունքի առետարայնացման ուղղություններում: Իր գործունեության յոթ տարվա ընթացքում հիմնադրամն իրականացրել է 26 ծրագիր ավելի քան 15 հազար շահառուի համար:

«ԱԲ սերունդ» դպրոցական նախագիծը նույնանուն ծրագրի առաջին բաղադրիչն է, որն իրականացնում է FAST-ը ՀՀ ԿԳՄՍ նախարարության հետ համատեղ ոլորտային կառույցների գործակցությամբ: Ծրագրի նպատակն արհեստական բանականության ոլորտի նորարարի և հետազոտողի ողջ կրթական ուղու ձեւավորումն է՝ սկսած ավագ դպրոցից: Մինչև 2026-ը նախատեսվում է ծրագիրը հասանելի դարձնել հանրակրթական դպրոցների աշակերտների ավելի քան 80%-ի համար:

ՏՆՏԵՍԱԿԱՆ

ՀԳՄ ԿԻՐԱՌՄԱՆ ԿԱՆՈՆՆԵՐԻ ԽԱՆՏՈՒՄ

Պետական եկամուտների կոմիտեն տեղեկացնում է, որ 2024 թվականի սեպտեմբեր ամսվա ընթացքում արձանագրվել են հսկիչ դրամարկղային մեքենաների կիրառման կանոնների խախտման 249 դեպք և շուրջ 131 մլն դրամի չափով տուգանք:

Արձանագրված խախտումներից 11 դեպքով 11 հարկ վճարողի մոտ արձանագրվել է 1.0 մլն դրամ և ավելի տուգանք՝ ընդհանուր 65.6 մլն դրամի չափով:

Հսկիչ դրամարկղային մեքենաների կիրառման կանոնների խախտման դեպքերով 1.0 մլն դրամ և ավելի տուգանք արձանագրվել է փաստացի գործունեության հետևյալ ոլորտներում.

- առևտրի իրականացման վայրի կազմակերպման ոլորտում 1 հարկ վճարողի մոտ 1 դեպքով արձանագրվել է 2.56 մլն դրամ տուգանք,
- կացության կազմակերպման ոլորտում 1 հարկ վճարողի մոտ 1 դեպքով արձանագրվել է 2.07 մլն դրամ տուգանք,

- հանրային սնունդ (չունի հանդիսությունների սրահ) 1 դեպքով արձանագրվել է 2.08 մլն դրամ տուգանք,

- հեղուկ և կոշտ վառելիքի առևտրի ոլորտում 1 դեպքով արձանագրվել է 10 մլն դրամ տուգանք,

- հեղուկ և կոշտ վառելիքի առևտրի, այլ ոլորտներում 1 դեպքով արձանագրվել է 10 մլն դրամ տուգանք,

- հեղուկ և կոշտ վառելիքի առևտրի, ավտոգազայցակայանի ոլորտներում 1 դեպքով արձանագրվել է 22.68 մլն դրամ տուգանք,

- հեղուկ և կոշտ վառելիքի առևտրի, ավտոտեխնասպասարկման և (կամ) ավտովազման, ավտոպահեստամասերի առևտրի ոլորտներում 1 դեպքով արձանագրվել է շուրջ 7.8 մլն դրամ տուգանք,

- մթերային խանութում 3 հարկ վճարողի մոտ 3 դեպքով արձանագրվել է շուրջ 6.95 մլն դրամ տուգանք:

ՀԱՄԱՐԱԿԱՅՆՈՒԹՅԱՆ ԾԱՆՈՒՑՈՒՄ

Շրջակա միջավայրի նախարարության Զրային ռեսուրսների կառավարման վար-

չության կողմից ՀՀ ջրային օրենսգրքի եւ ՀՀ Կառավարության 07.03.2003թ. N217-Ն եւ 03.08.2023թ. N1332-Ն որոշումների պահանջների համաձայն՝ մշակվում է «Դամալա Ֆիշ» ՍՊԸ-ի կողմից Կոտայքի մարզի Լբովյան համայնքի Պողոնի բնակավայրի վարչական տարածքում ձկնաբուծական նպատակով Հրազդան գետից 142.0 լ/վ ջրա իրականացնելու ջրօգտագործման թույլտվության ստացման նախագիծը:

Բոլոր շահագրգիռ անձինք, ովքեր կցանկանան ծանոթանալ փաստաթղթի մշակման աշխատանքներին և փաստաթղթի նախագծի նախնական տարբերակին, կարող են աշխատանքային օրերին 17:00-ից 18:00-ն, դիմել ջրային ռեսուրսների կառավարման և պահպանության մարմին (հասցեն՝ Կառավարական 3-րդ տուն, 5-րդ հարկ):

Ծանուցմամբ ներկայացված փաստաթղթի նախագծի նախնական տարբերակի վերաբերյալ դիտողություններ և առաջարկություններ ներկայացնելու դեպքում փաստաթղթի քննարկումը տեղի կունենա 2024 թվականի հոկտեմբերի 21-ին՝ ժամը 16:00-ին, Կառավարական 3-րդ տուն, 5-րդ հարկ, 541 սենյակում:

Շրջակա միջավայրի նախարարություն

«ժողովուրդ» օրաթերթում և Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԱՐԴԵՆ 20 ՏԱՐԵՎԱՆ

ԻՆՉ ԾԱՆԱՊԱՐ Է ԱՆՑԵԼ ՀԱՅ ՄԱՄՈՒԼԸ

Հայ մամուլի օրը նշվում է 2004 թվականից սկսած՝ հոկտեմբերի 16-ին:

1794 թվականի նույն օրը Մադրասում հրատարակվեց հայ մամուլի առաջնեկը՝ «Ազդարարը»՝ Հարություն քահանա Շմավոնյանի նախաձեռնությամբ:

Սկզբում տոնը կոչվել է Հայ մամուլի աշխատակցի օր, որը հետագայում որոշվեց դարձնել Հայ մամուլի օր:

Հայաստանի ժուռնալիստների միությունը Հայ մամուլի օրը հայկական լրատվամիջոցներին շնորհում է «Ազդարար» ամենամյա մրցանակը՝ «Լավագույն պարբերական մամուլ», «Լավագույն մարզային մամուլ», «Լավագույն հեռուստաընկերություն», «Լավագույն ռադիոկայան» եւ «Լավագույն թղթակից» անվանակարգերով:

Սկիզբ առնելով Մադրասում հայ մամուլի տպագրությունն այնուհետեւ տարածվել է ամբողջ աշխարհում. «Տարեգրություն»-ը՝ տպագրված Վենետիկում 1799 թվականին, «Արմենիա»-ն Մարսելում՝ 1885 թվականին, «Արշալույս Արարատյան»-ը Ջմյուռնիայում՝ 1840 թվականին: 19-րդ դարի երկրորդ կեսին, պարբերականների աճին զուգահեռ, դրանց ուսումնասիրությունը զարգացման նոր փուլ մտավ:

Սկսեցին հրատարակվել ոչ միայն պարբերականների լրիվ ցուցակներ, այլև առանձին պարբերականների կամ առանձին աշխարհագրական վայրում հրատարակված պարբերականներին վերաբերող ուսումնասիրություններ:

Այժմ «Ազդարարի» պես տպագիր շատ քիչ թերթեր են մնացել, որոնց տպաքանակը հիմնադրման ժամանակ



կահատվածի հետ համեմատած նվազել է:

Հայաստանում 2000-ականներին գործում էին «Ժողովուրդ», «Առավոտ», «Հրապարակ», «Հայաստանի Հանրապետություն», «Իրավունք», «Զորքող իշխանություն», «Ազգ», «Հայկական ժամանակ» եւ այլ օրաթերթեր:

Հայ մամուլը բազմաթիվ խոչընդոտներ է հաղթահարել, ամեն նոր իշխա-

նության կողմից թիրախավորվել է, հաղթահարել է բազում արհավիրքներ, սակայն աներեր կանգնել է ոտքերի վրա եւ ծաղկեցրել հայ մամուլի ոսկե դեկորներ:

«Ժողովուրդ» օրաթերթի խմբագրությունը շնորհավորում է Հայ մամուլի 20 ամյակը եւ մաղթում աշխատաշատ եւ քեղուն ընթացք:

ՀԱՄԱ ՄԻՋԱՅԵԼՅԱՆ

ՄԱՐԶԱԿԱՆ

ՀԱՅԱՍՏԱՆԻ Մ-21 ՀԱՎԱՔԱԿԱՆԸ ՊԱՐՏՎԵԼ Է ԱԼԲԱՆԻԱՅԻՆ

Հոկտեմբերի 15-ին Տիրասպոլում կայացել է ՈւԵՖԱ 2025թ. Եվրոպայի Մ-21 առաջնության որակավորման փուլի վերջին տուրի Ալբանիա-Հայաստան հանդիպումը:

Հայաստանի ընտրանին պարտվել է մրցակցին 0:1 հաշվով:

Ինչպես հայտնել են ՀՖՖ-ից, խաղում վճռորոշ է եղել 57-րդ րոպեին Ավենտիս Ավենտիսյանի ինքնագոլը:

ԲՈՆՑՔԱՄԱՐՏ ԳԵՊԻ ՀԵՐԹԱԿԱՆ ՈՍԿԻՆ

Հայաստանի բռնցքամարտի ֆեդերացիայից հայտնում են, որ Հայաստանն ունի առաջին մեդալը Բուլղարիայում ընթացող բռնցքամարտի մինչեւ 22 տարեկանների Եվրոպայի առաջնությունում:

Մրցաշարի գործող չեմպիոն Էլիդա Քոչարյանը շարժվում է դեպի հերթական ոսկին: 1/4 եզրափակիչում հայ մարզուհին հաղթել է վրացի Լանա Բուկվաձեին եւ դուրս գալով կիսաեզրափակիչ՝ ապահովել առնվազն բրոնզե մեդալ:

Հոկտեմբերի 16-ին կիսաեզրափակիչ դուրս գալու եւ մեդալ ապահովելու համար կայքաբարեն տղաները: 1/4 եզրափակիչում Հայաստանն ունի 8 բռնցքամարտիկ:

ԲՈՂՈՔԱՐԿՈՒՄԸ ԱՌԿԱԽ

Արդեն տեւական ժամանակ է, ինչ Լոզանի դատարանը չի արձագանքում հունահռոմեական ոճի ըմբիշ Արթուր Ալեքսանյանի թիմի դիմումին: Ավելի վաղ գրել էինք, որ դատարանի որոշումը հետաձգվել է մինչեւ հոկտեմբերի 10-ը. հավելյալ ժամանակը նախապատրաստվելու համար էր:

«Ժողովուրդ» օրաթերթը այս անգամ կրկին կապ հաստատեց Արթուր Ալեքսանյանի հայրիկի՝ Գեորգ Ալեքսանյանի հետ՝ հասկանալու համար, թե ինչ փոփոխություններ են եղել եւ ինչ են պատասխանել դատարանից: Վերջինս մեզ հետ զրույցում ասաց, որ դեռ արձագանք չի եղել. «Այս պահին մենք սպասում ենք դատարանի որոշումներին, թե ով է ընտրվելու դատավոր եւ երբ է նշանակվելու դատի օրը»,- ասաց Գեորգ Ալեքսանյանը:

Հիշեցնենք, որ Ֆրանսիայում ընթացող Օլիմպիական խաղերում արձաթե մեդալ նվաճած հունահռոմեական ոճի ըմբիշ Արթուր Ալեքսանյանը (97 կգ) Փարիզում ասել էր, որ կբողոքարկի եզրափակիչ հանդիպումը: Նա դժգոհ է մրցակցությունից, որն իրեն զրկել է ոսկե մեդալից:

«Ժողովուրդ» օրաթերթը գրել էր, որ Արթուր Ալեքսանյանն իր թիմի հետ դիմել էր Լոզանի դատարան, եւ սպասում են պատասխանի:

ԱՋՆԱԿՈՒՐ ԵՎ ՓԱՐԱԶԱՆՈՎ

ՄՇԱԿՈՒԹԱՅԻՆ ՕՐԵՐ՝ ՂԱԶԱԽՍՏԱՆՈՒՄ

Ղազախստանում այսօր մեկնարկել են Հայաստանի մշակույթի օրերը, որին մասնակցում է ՀՀ կրթության, գիտության, մշակույթի եւ սպորտի նախարարության ղազախական նախարար ժամանա Անդրեասյանի գլխավորությամբ:

Մշակույթի օրերի հանդիսավոր բացմանը ներկա են եղել նաեւ ՀՀ նախագահ Վահագն Խաչատրյանը եւ Ղազախստանի նախագահ Կասիմ-ժոմարտ Տոկաեւը:

Հայաստանի մշակույթի օրերի միջոցառումները տեղի են ունենում Ղազախստանի մայրաքաղաք Աստանայում՝ Քալինկեյ Կուլնիշբաեւի անվան ազգային երաժշտական դրամատիկական թատրոնում: Միջոցառմանը ներկա է եղել նաեւ Ղազախստանի մշակույթի եւ տեղեկատվության նախարար Աիդա Բալաբեյան:

ՀՀ կրթության, գիտության, մշակույթի եւ սպորտի նախարար ժամանա Անդրեասյանը ողջույնի խոսքում շնորհակալություն է հայտնել երկու երկրների նախագահներին այս կարեւոր մշակութային նախաձեռնությանը աջակցելու եւ Ղազախստանում Հայաստանի մշակույթի օրերը կազմակերպելու համար:

«Ղազախստանի մշակութային հանրությանը հայկական մշակույթի ներկայացումը շատ կարեւոր է. հատկապես, որ մշակութային ծրագրի առանցքում մեծանուն հայ արվեստագետներ Շառլ Ազնավուրի եւ Սերգեյ Փարաջանովի ստեղծա-

գործական ժառանգության ներկայացումն է, ինչը պատահական չէ: Այս տարի ողջ աշխարհը նշում է նրանց 100-ամյա հոբելյանները: Պատահական չէ նաեւ Սոս Սարգսյանի անունը կրող թատերամասի ընտրությունը. Սոս Սարգսյանին, համոզված եմ, ճանաչում եւ հիշում է նաեւ Ղազախստանի հանրությունը: Նրանք բոլորը՝ ամեն մեկն իր ինքնատիպ ոճով, խոսել են մշակույթների փոխանակման անհրաժեշտության եւ մշակույթների փոխազդեցության վերաբերյալ, իրենց կյանքով ու գործով փաստել մշակույթի միավորող ուժը:

Հայաստանի եւ Ղազախստանի ժողովուրդների մշակութային երկխոսության ամենավառ արտահայտություններից են նաեւ դիջադական ծեռագրերը, որոնք մեծ հոգածությամբ ու խնամքով պահվում են Երեւանում՝ Մեսրոպ Մաշտոցի անվան հին ծեռագրերի ինստիտուտ Մատենադարանում»,- նշել է ԿԳՄՍ նախարար ժամանա Անդրեասյանը:

Նրա խոսքով՝ Հայաստան-Ղազախստան մշակութային համագործակցությունը շարունակվում է զարգանալ՝ ընդգրկելով արվեստի գրեթե բոլոր ոլորտները, որը ամուր հիմք է երկու պետությունների միջև նաեւ այլ ասպարեզներում կապերի ամրապնդման համար:

Ղազախստանի մշակույթի եւ տեղեկատվության նախարար Աիդա Բալաբեյանն ողջունել է Ղազախստանում Հայաստանի մշակույթի օրերի անցկացումը՝

մաղթելով մասնակիցներին ստեղծագործական ներշնչանքներ, իսկ հանդիսատեսին՝ անմոռանալի տպավորություններ:

«Բարեկամ երկրների մշակույթի օրերը մեզ համար կարեւորագույն միջազգային իրադարձություններ են հանդիսանում՝ երկրների եւ ժողովուրդների միջեւ գործընկերային հարաբերությունների խորացման գրավական եւ բարեկամության կամուրջ: Համոզված եմ, որ Մշակույթի օրերը նոր խթան կհանդիսանան երկու երկրների մշակութային եւ հոգեւոր արժեքների հետագա զարգացման համար»,- ասել է նա:

Ղազախստանում Հայաստանի մշակույթի օրերը մեկնարկել են Հայաստանի ջազ նվագախմբի (գեղարվեստական դեկավար՝ Դավիթ Մելքոնյան)՝ Շառլ Ազնավուրի նվիրված համերգային ծրագրով: Հանդես են եկել Հայաստանի վաստակավոր արտիստի հնգա Արշակյանը եւ միջազգային մրցույթների դափնեկիր Գոռ Սուլջյանը: Համերգային ծրագրում հնչել են նաեւ Կոմիտասի եւ Առնո Բաբաջանյանի ստեղծագործությունները:

Քալինկեյ Կուլնիշբաեւի անվան ազգային երաժշտական դրամատիկական թատրոնի ճեմարհամու բացվել է Սերգեյ Փարաջանովի կյանքին եւ գործունեությանը նվիրված ֆոտոցուցահանդեսը, իսկ 7 IMAX KERUEN կինոթատրոնում մեկնարկել է հայկական կինոյի օրերի ծրագիրը:

● Հոկտեմբերի 21-ին՝ ժամը 19:00-ին, Հ. Ղափլանյանի անվան դրամատիկական թատրոնում կցուցադրվի «Art փսիխոզ» ներկայացումը: Տոմսերի արժեքը՝ 2.000-8.000 դրամ:



Էջը՝ ԱՆՎԱՐՈՂ ԿՈՇԿԱԿԱՐՅԱՆԻ

Լիզինգ

ՀԱՐՑ. Հնարավո՞ր է արդյո՞ք լիզինգով ձեռք բերել նաև ագրոտեխնիկայի ոլորտի սարքավորումներ:

Իրինա Գասպարյան (46 տարեկան)



ՊԱՏԱՍԽԱՆ. 2018 թվականի հուլիսից մեկնարկել է «ՀՀ-ում ագրոտեխնիկայի ոլորտի սարքավորումների ֆինանսական վարձակալության» լիզինգի պետական աջակցության» ծրագիրը...


ՀՀ էկոնոմիկայի նախարարություն

«ԺՈՂՎՈՒՐԳ». Լիզինգառուս վճարում է լիզինգի առարկայի արժեքի 20 տոկոսի չափով կանխավճար:

Կրթութուն

ՀԱՐՑ. Ե՞րբ կարող է ուսուցիչը դիմել սարակարգ սահմալու համար:

Աշոտ Ալավերդյան (36 տարեկան)



ՊԱՏԱՍԽԱՆ. «Հանրակրթության մասին» ՀՀ օրենքում փոփոխություններ եւ լրացումներ կատարելու մասին» 2022 թ. փետրվարի 9-ի ՀՕ-35-Ն օրենքը...

Համաձայն վերոգրյալ օրենքի պահանջների՝ մարտի 3-ից սկսած՝ տարակարգի շնորհման գործընթացը կիրականացվի կրթության պետական կառավարման լիազորված մարմնի կողմից...

ՀՀ ԿԳՄՄՆ

«ԺՈՂՎՈՒՐԳ». Անհրաժեշտ է տարակարգի շնորհման համար դիմում ներկայացնել ենթաօրենսդրական իրավական ակտի ընդունումից հետո:

Լուր ԿԱՂԻ

Լուսանկարը՝ համացանցից



Հոկտեմբերի 16-20-ը Հայաստանն առանձին տաղավարով մասնակցում է Ֆրանկֆուրտի գրքի միջազգային ցուցահանդեսին:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել

«Հայկուստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդախտաբանաբար ձեր բարձրագույն բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով:

Բաժանորդագրության բլանկ

Անուն՝ Ազգանուն՝ Առաքման հասցե՝ Բջջային եւ/կամ քաղաքային հեռախոս՝

Հեռ.՝ (060) 490049 0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ




Table with moon icons and numbers for various regions like Շիրակ, Կոտայքի լեռներ, Կոտայքի նախալեռներ, etc.

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երևան, Արշակունյաց 2, հեռ՝ 010 54-64-23 Պետական գրանցման վկայականի համարը՝ 03U089086 տրված է 24.11.2010 Ստորագրված է տպագրության 16.10.2024 Տպաքանակ՝ 3968

Գլխավոր խմբագիր՝ ԶԱՐԻ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրայնագրվում եւ չեն վերահղարկվում, Գ նշանով նյութերը գովազդային հրատարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրատարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: